

Ժողովուրդ

29
(2695)

28 փետրվարի երեքշաբթի 2023
տպագրության ԺԲ տարի

✉ ք. Երևան, Արվյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՆԻԿՈՒ ՓԱՇԻՆՅԱՆԸ ԽԱԲԵԼ Է. ՄԱՍ 161



2018 թվականի սեպտեմբերի 11-ին հրավիրված մամուլի ասուլիսի ընթացքում ՀՀ ՀԶՇ, ներկայումս Հակակոռուպցիոն կոմիտեի ղեկավար Սասուն Խաչատրյանը հրապարակավ հայտարարեց, որ 2008 թվականի մարտի 1-ին սպանված Տիգրան Աբգարյանի սպանությունը բացահայտված է, եւ շուտով բոլորը կհիմանան այդ մասին: «Տիգրան Աբգարյանը սպանվել է այն ժամանակ, երբ արդեն իսկ մտցրել էր Քոչարյանն արտակարգ դրություն, սակայն որտե՛ս հրազենային վիրավորում ստացած զինծառայող չկար: Եվ մեր տարբերակը, որը հետեւյալն էր, որ Տիգրան Աբգարյանին հրազենային վիրավորում է հասցվել նրա համար, որպեսզի Ռոբերտ Քոչարյանի այդ խոսքերը, թե՛ «մենք արդեն ունենք զոհեր», հիմնավորվեն: Դա նախաքննությամբ հիմնավորվել է»: Անցել է մոտ 5 տարի, սակայն 2008 թվականի մարտի 1-ի օրը Երեւանի կենտրոնում սպանված 10 քաղաքացիների սպանությունները այդպես էլ չեն բացահայտվել: Նիկոլ Փաշինյանը մոտ 5 տարի է՝ գբադեցնում է ՀՀ վարչապետի պաշտոնը, Նշանակման օրվանից հայտարարում էր, որ «Մարտի 1»-ը բացահայտվելու է, սակայն 5 տարի անց 10 մարդկանց սպանությունները չեն բացահայտվել: Չկա որտե՛ս պատիժ որտե՛ս մեկի նկատմամբ, միայն փորձ արվեց Ռոբերտ Քոչարյանին եւ մի քանի թիմակիցների վրա մեղադրանքներ հարուցել, սակայն բոլորը հերթով կտրվեցին, ու, կարելի է ասել, Նիկոլ Փաշինյանը մաքրագործեց Ռոբերտ Քոչարյանին՝ նրան վերջնականապես մաքրելով «Մարտի 1»-ի թեմայից: Փոխարենը Նիկոլ Փաշինյանի իշխանության օրոք որոշվել է մարտի 1-ին նվիրված հուշարձան տեղադրել Երեւանի քաղաքապետարանի հարակից հատվածում: Ստացվում է, որ Նիկոլ Փաշինյանը իշխանության եկավ, որպեսզի բացահայտի մարտի 1-ի ողբերգական օրը, սակայն հիմա բավարարվում է հուշարձան դնելով: Հիշեցնենք նաեւ, որ Լենա Նազարյանը մարտի 1-ի ողբերգության զոհերին փոխհատուցում տալու մասին շտապ նախագիծ ներկայացրեց, սակայն հիմա մոռացել է պահանջատիրությունը ու մի անգամ նույնիսկ չի հետաքրքրվել հրապարակավ՝ ինչու չբացահայտվեց «Մարտի 1»-ը, եւ ինչու Նիկոլ Փաշինյանը խաբեց բոլորին:

Ք Պ խմբակցությունը, ԱԺ նստաշրջանի մեկնարկին ընդառաջ, երեկ փակ հանդիպում է արել ԱԺ-ում: «Ժողովուրդ» օրաթերթը տեղեկացավ, որ քննարկումը բավականին կարճ է տևել՝ մոտ 1 ժամ: Ինչպես մեր աղբյուրները հայտնեցին, պասիվ հանդիպում է եղել, արտառոց միջադեպեր չեն գրանցվել, նաեւ մասնակիցներն են քիչ եղել: ԲՊ-ականները հիմնականում պատրաստվել են այսօրվա ԱԺ նիստին, որոշել են քվեարկությունների հարցը, ով ինչ է խոսելու, ինչի վերաբերյալ է ելույթ ունենալու հիմնականում եւ այլն: Տեղեկացանք նաեւ, որ իշխանականները տրամադրված են այս նստաշրջանը հանգիստ «անցկացնել», սուր չքննադատել ընդդիմադիրներին: Թեեւ հերթական քառօրյալի օրակարգում 19 հարց է ընդգրկվել, սակայն իշխող ֆրակցիայի համար կարեւոր է անցկացնել հատկապես «Պետական գաղտնիքի մասին» օրենքը, ուստի որոշել են միաձայն կողմ քվեարկել նախագծին: Տեղեկացանք, որ ընդդիմությունն էլ պատրաստվում է այս նախագծի հետ կապված «թեժ» քննարկում այսօր ծավալել ԱԺ-ում եւ մանրամասն ներկայացնել դրա խնդրահարույց կողմերը: Այս առումով ակտիվ է լինելու հատկապես Արծվիկ Մինասյանը, որն այսօր ընդդիմության անունից ներկայացնելու է միասնական տեսակետ՝ տվյալ նախագծի վերաբերյալ: «Ժողովուրդ» օրաթերթը տեղեկացավ, որ իշխող ֆրակցիան երեկվա փակ նիստում քննարկել է նաեւ ՄԻՊ թեկնածուի հարցը, սակայն այդպես էլ վերջնական որոշման չի եկել, պատգամավորներից մի քանիսն իրենց թեկնածուների անուններն են տվել, սակայն որտե՛ս թեկնածուի շուրջ խմբակցությունը կոնսենսուսի չի եկել:



«Ժ ղողվուրդ» օրաթերթի տեղեկությունների համաձայն՝ քաղաքական իշխանությունը ի սկզբանե ներքին որոշում է ունեցել՝ եւ դատավոր Զարուհի Նախշաբադյանի, եւ դատավորների միության փոխնախագահ, դատավոր Արթուր Ստեփանյանի լիազորությունները դադարեցնելու մասով: «Ժողովուրդ» օրաթերթին տեղեկություններ հասան, որ ԲԴԻ նախագահ Կարեն Անդրեասյանը իր նեղ թիմի մոտ անկեղծացել է, թե նախատակ չունի Արթուր Ստեփանյանի լիազորությունները դադարեցնել: Մեզ հասած բացառիկ տեղեկությունների համաձայն՝ Կարեն Անդրեասյանն, իհարկե, ուղիղ խոսք չի տվել որտե՛ս բան Ստեփանյանի կողմնակիցներին, սակայն ինչպես նկատում ենք, նրա զանգ-նամակ-խնդրանքը տեղ է հասել: Երեկ Բարձրագույն դատական խորհուրդը դադարեցրեց Երեւան քաղաքի դատավոր Զարուհի Նախշաբադյանի լիազորությունները, իսկ Դատավորների միության փոխնախագահ Արթուր Ստեփանյանի նկատմամբ հայտարարվեց նկատողություն: սա Ստեփանյանի երկրորդ նկատողությունն էր:



Ծ անր կամ առանձնապես ծանր հանցանք առաջին անգամ կատարած անձը կարող է ազատվել քրեական պատասխանատվությունից: Այդպիսի կարգավորում է առաջարկում ՀՀ արդարադատության նախարարությունը: Մասնավորապես, առաջարկվում է ՀՀ քրեական օրենսգրքի 81-րդ հոդվածում (քրեական պատասխանատվությունից ազատելը՝ գործուն զոջալու հիմքով) լրացնել 1.1 մասով եւ դրանով իսկ նախատեսել կարգավորում, որ այն դեպքերում, երբ անձի՝ առաջին անգամ կատարած հանցանքը դասվում է ծանր կամ առանձնապես ծանր հանցագործությունների շարքին, ապա հանցավորի դերի, հանցանքը կատարելիս ու դրանից հետո նրա վարքագծի եւ այլ հանգամանքների հետ կապված բացառիկ հանգամանքների առկայության դեպքում նա կարող է ազատվել քրեական պատասխանատվությունից, եթե համագործակցում է քրեական հետապնդման մարմինների հետ, չի վիճարկում իրեն մեղադրվող արարքը, վնաս պատճառած լինելու դեպքում հատուցել կամ այլ կերպ հարթել է հանցագործությամբ պատճառված վնասը: Այստեղ ընդգծենք, որ ՀՀ քրեական օրենսգրքով ծանր հանցագործություններ են համարվում դիտավորությամբ կատարված այն արարքները, որոնց համար սույն օրենսգրքով նախատեսված է առավելագույն պատիժ՝ ազատազրկում տասը տարուց ավելի ժամկետով կամ ցմահ ազատազրկում: Հիմնավորման մեջ նշվում է, որ նախաքննական մարմինների առկա ծանրաբեռնվածության պայմաններում խիստ կարեւոր է նման իրավակարգավորումը, որն էապես նվազեցնում է ինչպես նախաքննական մարմինների, այնպես էլ դատարանների ծանրաբեռնվածությունը: Այսինքն՝ ստացվում է՝ դատարանները թեթեւացնելու համար ծանր հանցագործներին հնարավորություն են տալիս ազատվելու:



ԶԻՒՄԱՆ ԲԱՎԱՐԱՐՎԵԼՈՒ

ԱՌԲԵՋԱՆԻ ԱՆՈՐԺԱԿԸ ԲԱՅՎՈՒՄ Է

Փետրվարի 23-ին, Արցախի նախագահի որոշմամբ, ղեկնախարարի դասընթացի ազատագրող Ռուբեն Վարդանյանը: Արցախի Հանրապետության Վարդանյանին ղեկնախարարի պաշտոնը կտրամադրվի 2025 թվականից: «Մեր բոլորիս եւ ղեկնախարարի պաշտոնը կտրամադրվի 2025 թվականից»:



Արցախում ստեղծված ներքաղաքական իրավիճակի վերաբերյալ «Ժողովուրդ» օրաթերթը գրուցել է արդրեջանագետ, պատմական գիտությունների թեկնածու Տաթևիկ Հայրապետյանի հետ:

Տիկին Հայրապետյան, Ռուբեն Վարդանյանի հեռանալուց հետո ի՞նչ նոր գարգացումներ են հնարավոր Արցախում:

Վարձում եմ Ռուբեն Վարդանյանի հեռացումը կապված է Մոսկվա-Բաքու բանակցություններով եւ պայմանավորվածություներով: Հավանաբար, Մոսկվան սա փորձում է ներկայացնել որպես գիշում իր կողմից Բաքվին: Արցախում կանխատեսվում էր երկու հավանական սցենար: Զանի որ արդրեջանցիների «ակցիան» չի արդարացում, Արդրեջանը գնալու էր կամ լուրջ ռազմական սցենարով, կամ էլ ներքաղաքական ինտրիգներ հրահրելու սցենարով: Ըստ էության, ընտրվեց երկրորդ ճանապարհը՝ ներքաղաքական ինտրիգներ հրահրելու, եւ այդ հարցում, բնականաբար, նրանց օժանդակեց թուրքերը: Եթե դատենք նաեւ ռուս գործիչների հայտարարություններից, նրանք փորձում էին Լաչինի միջանցքում իրենց հեղինակագրվելը փրկել՝ ճնշումներ գործադրելով Արցախի իշխանությունների վրա եւ նրանցից գիշումներ կորզելով, քանի որ չէին կարողանում

հարկադրել Արդրեջանին կամ էլ չեն ցանկանում: Ես ավելի հավանաբար եմ մտածել, որ չեն կարողանում, բայց վստահ չեմ: Ամեն դեպքում, Ռուբեն Վարդանյանի՝ Արցախում մնալու որոշումը ողջունելի է, իսկապես. եթե մարդը նպատակ է դրել, ուրեմն պաշտոնն ընդամենը միջոց է:

Վլիեն ասում էր, որ չի պատրաստվում բանակցել Ռուբեն Վարդանյանի հետ, որին համարում էր Ռուսաստանի մարդ: Արդրեջանը կսկսի՞ բանակցել Լաչինի միջանցքի մասով, թե՞ նոր պատճառաբանություն կբերի բանակցությունների հրաժարվելու համար:

Բաքուն սրանով չի բավարարվելու, քանի որ Արդրեջանի ախորժակը բացվում է գիշումներից: Ավելին՝ արդրեջանական քարոզչադաշտը պատգամավորներին եւ իշխանական տարբեր փորձագետների մակարդակով պնդում է, որ հաջորդը պետք է հասնեն հսկիչ անձնագրային

կետի տեղադրմանը: Այդ առումով ծանր են տարել Արարատ Միրզոյանի վերջին հայտարարությունը, որ նման բան չի լինելու, բայց արդրեջանական կողմը հայտարարում է, որ իրենք պետք է փորձեն հասնել դրան ամեն գնով մինչեւ 2025թ.-ը: Այլեւը մտադիր է մինչեւ 2025թ.-ը ազատվել այնտեղ ապրող հայերից. նա 1,5 տարի ժամանակ է ինքն իրեն տվել այս խնդիրը լուծելու համար, փորձելու է այդ ճանապարհին ամբողջ խոչընդոտները վերացնել, որպեսզի հետո էլ հասնի ռուս խաղաղապահների դուրսբերմանը: Ես կարծում եմ այս սցենարով է գնալու Ալիեյը. եթե որեւէ մեկը չկանխի այս պլանները, ապա մենք աղետալի հետեանքներ կունենանք Արցախում եւ դրանից անմիջապես հետո՝ Հայաստանում: Ամեն դեպքում, շատ բան կախված է նաեւ Լալոյի ամառից ապրիլից Բաքու. հիմնական բանակցություններն այս հարթակում են գնում:

Ձրուցեց ԶՐԻՍԻՍՆԵ ՍՈՒՇԵՂՅԱՆԸ

ԴԻՍՈՒՄ

ՈՐՏԵՂ ԵՆ ՄՆԱԼՈՒ ԱՆՕԹԵՒԱՆՆԵՐԸ

Աժ մարդու իրավունքների դաշտագրության եւ հանրային հարցերի մեջական հանձնաժողովի նախագահ, անկուսակցական Թագուհի Թովմասյանը սոցցանցի իր էջում գրում է. «ՊՆ նախկին ժողովի բնակիչները բարունակում են անօթեան մնալ: Որքան էլ ՀՀ ՊՆ-ը ղեկավարում է, որ սարածքը ղեկավարում է, եւ մարդիկ ղեկ է վեճն այն, ամեն դեպքում, ղեկավարները դարձավոր է նախ ճրանց աղյահովել դաշտագր կացարանով եւ միայն նոր հարկադրաբար հեռացնել սարածքից:



Ինչո՞ր վերաբերյալ դիմել եմ ՀՀ աշխատանքի եւ սոցիալական հարցերի նախարարին՝ պահանջելով հստակ պարզաբանում:

- Ի՞նչ ժամկետներում է նախատեսվում լուծել ՊՆ նախկին շենքի բնակիչների կացարանի հարցը,
- որտե՞ղ են նախատեսում տեղափոխել անօթեան դարձած քաղաքացիներին,
- արդյոք գործում է նախարարության կողմից նշած վարձավճարի փոխհատուցման ծրագիրը. եթե այո, ապա ի՞նչ ժամկետներում եւ ի՞նչ պայմաններով:

Դիմել եմ ՀՀ պետական եկամուտների կոմիտեի նախագահին՝ խնդրելով հնարավորություն ստեղծել ՀՀ ՊՆ նախկին շենքի տարածքում բնակվող անձանց վերադառնալու վարչական համալիրի տարածքում գտնվող իրենց նախկին բնակության վայր մինչեւ իրավասու մարմնի կողմից վերջիններիս կեցավայրի հարցի լուծումը:

Քաղաքացիների ահազանգերի հետքերով գրություն եմ ուղարկել ՀՀ ներքին գործերի նախարարին, փոխանցել վերջիններիս մտահոգությունն առ այն, որ իրենք՝ սեփականության իրավունքով պատկանող գույքը ոչնչացվել կամ անհայտացել է, իրենց նկատմամբ դրսեւորվել է անհարգալից վերաբերմունք:

Նախարարից պահանջել եմ կատարել անհրաժեշտ քայլեր՝ հակաիրավական արարքներ կատարած ոստիկանների նկատմամբ պատասխանատվության միջոցներ կիրառելու համար՝ արդյունքների մասին տեղեկացնելով ինձ:

Անկալել եմ նաեւ պարզաբանում, թե ինչ իրավաչափ պահանջով է պայմանավորված, որ ՀՀ ոստիկանության աշխատակիցները արգելում են տարածքում երկրորդ վրան տեղակայելը, իսկ եթե նման պահանջ չկա, կամ այն իրավաչափ չէ, խնդրել եմ արգելք չհանդիսանալ քաղաքացիների կողմից տարածքում վրաններ տեղակայելուն մինչեւ իրավասու մարմինների կողմից քաղաքացիների կացարանի հարցի լուծումը:

Յետեղողական եմ լինելու հարցի համապարփակ կարգավորմանը. մարդկանց իրավունքները չպետք է խախտվեն»:



ՄԽԱԼ PR

Միջազգային իրավական հարցերով մշտական ներկայացուցիչ Եղիշե Կիրակոսյանն իր հանրային խոսքում մշտապես շեշտել է Հասագայի միջազգային դատարանի դիմելու կարեւորությունը, Նիկոլ Փաշինյանի PR թիմն օրեր շարունակ ոգեւորված տարածում էր դատական լսումների տեղեկությունները՝ հասարակությանը կերակրելով, թե, ահա, միջազգային դատարանում քննվում է հայերի համար կարեւորագույն հարցը, եւ վճռից հետո Լաչինի միջանցքը կբացվի եւ այլ: Կյանքը ցույց տվեց, որ ինչպես մյուս բոլոր ոլորտներում, այս դեպքում էլ Նիկոլ Փաշինյանի իշխանությունը քամի տատանելով էր զբաղված: Նրանք ցույց են տալիս, թե գործում են, բայց գործում են իրականում գերարդյունավետությամբ: Ինչո՞ւ ենք այդպես ասում. երեկ նույն Եղիշե Կիրակոսյանը հայտարարեց. «Ցավոք, միջազգային իրավունքում չունենք այնպիսի ինստիտուտ, որը կզբաղվի որոշումների հարկադրաբար կատարման ուղղությամբ հարցերով: ՄԱԿ-ի դատարանի որոշումը ենթակա է պարտադիր կատարման կողմերի համար, բայց իրականացման համար ժամկետ չկա նշված»:

Ազնիվ կլինե՞ր, որ Կիրակոսյանն ու իր պրոֆեսիոնալների թիմը հասարակության մոտ անիմաստ սպասումներ չառաջացնելու համար նախապես հայտարարեին, որ ինչ վճռ էլ կայացնելու լինի ՄԱԿ-ի միջազգային դատարանը, չի կատարվելու այն: Դա պետք է ասեին՝ աշխարհի շատ երկրների նախադեպերը հաշվի առնելով: Ինչ խոսք, օրինակներ շատ կան աշխարհում, որ կայացվել են վճիռներ կամ միջանկյալ միջոցներ, որոնք չեն կատարվել, բայց ուսումնասիրությունը ցույց է տալիս, որ միջազգային դատարանը կարողանում է արդյունավետ աշխատել միայն այն դեպքում, երբ այն պետությունը, որի օգտին կայացվում է որոշումը, ի վիճակի է միջազգային հանրության միջոցով իրագործել այդ վճիռ կամ միջանկյալ միջոցի կիրառումը: Կյանքը ցույց տվեց, որ որեւէ կերպ ՀՀ կառավարությունը չի կարողանում միջազգային ճնշում կազմակերպել, որպեսզի կատարվի վճիռը: Միայն Եվրամիությունը եւ Ֆրանսիան են հայտարարել, որ անհրաժեշտ է կատարել Հասագայի դատարանի որոշումը, սակայն դեռ անօգուտ. 81 օր է՝ փակ է Արցախն աշխարհին կապող միակ ավտոճանապարհը:

ՎԱՐՉԱՏՐՈՒՄ ՌԻՍԿԻ ՀԱՄԱՐ

«Պետական պաշտոններ եւ պետական ծառայության պաշտոններ զբաղեցնող անձանց վարձատրության մասին» օրենքում փոփոխություններ են կատարվելու: ArmLur.am-ը տեղեկացավ, որ օրենքի ընդունման արդյունքում նախատեսվում է դատախազներին վճարել ամսական հավելում՝ պաշտոնային դրույքաչափի ինստուտերկու տոկոսի չափով:

Հիմնավորման մեջ նշվում է, թե ամառային հիմքում դատախազների աշխատանքի ռիսկայնությունն է, ինչպես նաեւ այդ աշխատանքն առավել գրավիչ դարձնելու նպատակը: Նշվել է, որ հավելումը դատախազները կստանան ոչ հավասար չափով, յուրաքանչյուր դատախազ հավելում կստանա՝ ըստ իր դրույքաչափի:

Նշենք, որ այս նախագիծը քննարկվելու է վաղը մեկնարկվելիք Ստալոյա-նի օրակարգում:

ԻՐԱՎԻՃԱԿ

ՆԱԽԱԳԻԾ

ՀԱՆՑԱՆՔ ԳՈՐԾԻՐ, ԸՆԴՈՒՆԻՐ, ԱԶԱՏՎԻՐ

ԵՐԿԱՐԱՏԵՐ ԳՈՐԾՈՒՂՈՒՄ ԱՄՆ

Սփյուռքի գործերի գլխավոր հանձնակատար Զարեհ Սինանյանը փետրվարի 17-ից գտնվում է Ամերիկայի Միացյալ Նահանգներում: Armlur.am-ը տեղեկացավ, որ նա մինչև մարտի 2-ը կլինի այնտեղ: Կես ամիս գործուղման ընթացքում նա պետք է լինի Տեխաս նահանգ, Դալասում փետրվարի 17-20-ը, Տեխաս նահանգ, Յուտաում փետրվարի 20-21-ը, Փենսիլվանիա նահանգ, Ֆիլադելֆիայում փետրվարի 21-23-ը, Մասաչուսեթս նահանգ, Բոստոնում փետրվարի 23-25-ը, Նյու Յորք նահանգ, Նյու Յորքում փետրվարի 25-28-ը, Վաշինգտոնում փետրվարի 28-ից մինչև մարտի 2-ը ներառյալ: Հիմնավորման մեջ նշվում է, թե գործուղման նպատակը պետական եւ համայնքային կառույցների, երիտասարդական, մշակութային, գիտական, կրոնական կազմակերպությունների, բժշկական ասոցիացիաների ներկայացուցիչների հետ հանդիպումներ ունենալու եւ համագործակցության համար հետագա ուղիները քննարկելն է: Տեղեկացանք նաեւ, որ Զարեհ Զոն Սինանյանի՝ Ամերիկայի Միացյալ Նահանգներ գործուղման հետ կապված ծախսերը կատարվելու են Հայաստանի Հանրապետության՝ 2023 թվականի պետական բյուջեով Հայաստանի Հանրապետության վարչապետի աշխատակազմի «Հայաստան-Սփյուռք գործակցության» ծրագրի «Աշխատանք՝ սփյուռքի համայնքներում» միջոցառման համար նախատեսված միջոցների հաշվին:

ԱԺ-ՈՒՄ ԹԵԺ Է ԼԻՆԵԼՈՒ

Այսօր՝ փետրվարի 28-ին, կմեկնարկի Ազգային ժողովի հերթական նստաշրջանը: Նստաշրջանի հիմնական օրակարգում ներառված է 7 հարց, իսկ լրացուցիչ հարցերն էլ 8-ն են: Աժ նիստի օրակարգում ընդգրկված է նաեւ «Պետական գաղտնիքի մասին» ՀՀ օրենքների նախագծերի փաթեթը: Armlur.am-ը տեղեկացավ, որ ընդդիմությունը եւ մասնակցելու է այսօր մեկնարկելիք Աժ նիստերին, ավելին՝ պատրաստվում է թե՛ քննարկում սկսել «Պետական գաղտնիքի մասին» օրենքի վերաբերյալ: Նշենք, որ սույն օրենքը կարգավորում է Հայաստանի Հանրապետության ազգային անվտանգության ապահովման նպատակով տեղեկությունները պետական գաղտնիքի շարքին դասելու, գաղտնագրելու, պետական գաղտնիքը պահպանելու, պաշտպանելու, օգտագործելու, գաղտնազերծելու կամ ոչնչացնելու գործընթացների հետ կապված հարաբերությունները, սահմանում է պետական գաղտնիք պարունակող տեղեկությունների հասկացությունը, գաղտնիության աստիճանները, պետական գաղտնիք պարունակող տեղեկություններին առնչվող հարաբերություններում պետական եւ տեղական ինքնակառավարման մարմինների, կազմակերպությունների, իրավաբանական անձանց, ֆիզիկական անձանց լիազորությունները, պետական գաղտնիք պարունակող տեղեկություններին առնչվելու թույլտվություն ունեցող անձանց պարտականությունները, նրանց աշխատանքի համար սահմանված պայմանները եւ սահմանափակումները, ինչպես նաեւ սահմանափակ տարածման ծառայողական տեղեկության հետ կապված հարաբերությունները:

ՀՀ արդարադատության նախարարությունը հանդես է եկել օրենսդրական նախաձեռնությամբ եւ առաջարկում է փոփոխություններ կատարել ՀՀ քրեական օրենսգրքում:

Նախագծով առաջարկվում է ՀՀ քրեական օրենսգրքի 81-րդ հոդվածում (քրեական պատասխանատվությունից ազատելը՝ գործուն զոջալու հիմքով) լրացնել 1.1 մասով եւ դրանով իսկ նախատեսել կարգավորում, որ այն դեպքերում, երբ անձի՝ առաջին անգամ կատարած հանցանքը դասվում է ծանր կամ առանձնապես ծանր հանցագործությունների շարքին, ապա հանցավորի դերի, հանցանքը կատարելիս ու դրանից հետո նրա վարքագծի եւ այլ հանգամանքների հետ կապված բացառիկ հանգամանքների առկայության դեպքում նա կարող է ազատվել քրեական պատասխանատվությունից, եթե համագործակցում է քրեական հետապնդման մարմինների հետ, չի վիճարկում իրեն մեղադրվող արարքը, վնաս պատճառած լինելու դեպքում հատուցել կամ այլ կերպ հարթել է հանցագործությամբ պատճառված վնասը: Բացառիկ կարող են ճանաչվել ինչպես առանձին մեղմացնող հանգամանքները, այնպես էլ այդ հանգամանքների համակցությունը:

Նախ՝ նշենք, որ այժմ ՀՀ քրեական օրենսգրքի 81-րդ հոդվածը (քրեական պատասխանատվությունից ազատելը՝ գործուն զոջալու հիմքով) սահմանում է.

«1. Եթե անձն առաջին անգամ է հանցանք կատարել, ապա կարող է ազատվել քրեական պատասխանատվությունից, եթե նրա կատարած արարքը ոչ մեծ կամ միջին ծանրության հանցանք է, եւ նա համագործակցում է քրեական հետապնդման մարմինների հետ, չի վիճարկում իրեն մեղադրվող արարքը, վնաս պատճառած լինելու դեպքում հատուցել կամ այլ կերպ հարթել է հանցագործությամբ պատճառված վնասը»:

Նախկինում, սույն հոդվածով նախատեսված հիմքով, քրեական պատասխանատվությունից ազատված անձը չի կարող նույն հիմքով կրկին ազատվել քրեական պատասխանատվությունից:

ՕՐՎԱ ԽՃԱՆԿԱՐ

ՄԻԵԳ

6 ՎՃԻՌ ԿԱ

Միջազգային իրավական հարցերով ՀՀ ներկայացուցիչ Եղիշե Կիրակոսյանն երեկ տեղեկացրել է, որ Ադրբեջանի դեմ կա ՄԻԵԳ-ի 6 վճիռ, որոնք վերաբերում են հայկական հարցերին:

«Սրանցից առաջինը Գուրգեն Մարգարյանի կացնահարման դեպքով վճիռն է, մնացած վճիռները վերաբերում են քաղաքացիական անձանց, որոնք կամ սպանվել են, կամ խոշտանգվել են, ապա մահացել են, կամ խեղվել են ադրբեջանական վերահսկողության տակ անցնելուց հետո լրիվ խաղաղ պայմաններում: Այս վճիռների կատարման ուղղությամբ քայլեր ձեռնարկվում են թե՛ ԱԳՆ-ի կողմից, թե՛ մեր կողմից՝ սերտորեն աշխատելով Ստրասբուրգում մեր ներկայացուցչության հետ: Մենք անընդհատ փորձում ենք այս հարցերը բարձրացնել Նախարարների կոմիտեի օրակարգում», - ասել է նա:

Կիրակոսյանը նաեւ նշել է, թե Ադրբեջանի կողմից հաստատված 33 գերիների դեմ ապօրինի դատավարությունների մասով որոշ տղաների հետ կապված դա-



Այսպիսով, քրեական օրենսգրքը գործուն զոջալու հիմքով քրեական պատասխանատվությունից ազատելու համար սահմանում է մի շարք նախապայմաններ: Դրանք են՝

- անձը հանցանքը կատարել է առաջին անգամ,
- արարքը դասվում է ոչ մեծ կամ միջին ծանրության հանցանքների շարքին,
- անձը համագործակցում է քրեական հետապնդման մարմինների հետ,
- չի վիճարկում իրեն մեղադրվող արարքը,
- վնաս պատճառած լինելու դեպքում հատուցում է պատճառված վնասը,
- վնաս պատճառած լինելու դեպքում այլ կերպ հարթում է պատճառված վնասը:

Հիմնավորման մեջ նշվում է, որ նախաքննական մարմինների առկա ծանրաբեռնվածության պայմաններում խիստ կարեւոր է նման իրավակարգավորումը, որն էապես նվազեցնում է ինչպես նախաքննական մարմինների, այնպես էլ դատարանների ծանրաբեռնվածությունը:

Այսպիսով, նախագծով առաջարկվում է քրեական օրենսգրքի 81-րդ հոդվածում կատարել համապատասխան լրացում եւ կարգավորում առ այն, որ գործուն զոջալու ինստիտուտը որոշակի պայմանների առկայության պարագայում կարող է կիրառվել նաեւ ծանր եւ առանձնապես ծանր հանցագործությունների դեպքերով:

ՆԱԻՐԱ ՀՈՎՅԱՆՆԻՍՅԱՆ

տարանի՝ միջանկյալ միջոցներ կիրառելու որոշումների ժամկետները լրացել են, սակայն նրանք շարունակում են բանտում պահվել: «Իրավական գործիքներով մաքսիմալ հնարավոր բոլոր ջանքերն արվել են: Ցավոք, այս պահին լրացուցիչ որոնք անելիք չունենք այս մասով. եթե նոր փաստեր ենք գտնում, ներկայացնում ենք դատարանին», - տեղեկացրել է Կիրակոսյանը:

ԲԱՆԱԿՑՈՒԹՅՈՒՆՆԵՐ՝ ԺՆԵՎՈՒՄ

Երեկ ժնեւում կայացել են Իրանի ԱԳ նախարար Հոսեյն Ամիրաբեդլլահյանի եւ Հայաստանի ԱԳ նախարար Արարատ Միրզոյանի հանդիպումը եւ բանակցությունները:

Ժնեւում Մարդու իրավունքների խորհրդի 52-րդ հերթական նստաշրջանի շրջանակում կայացած հանդիպման ընթացքում կողմերը քննարկել են փոխադարձ հետաքրքրություն ներկայացնող հարցեր. փոխանցում է Irma գործակալությունը:

Հաղորդվում է, որ Ամիրաբեդլլահյանը ժնեւում իր այցի ընթացքում կհանդիպի մի շարք միջազգային այլ գործիչների հետ եւս:

Ավելի վաղ հայտնել էինք, որ փետրվարի 27-28-ը ՀՀ արտաքին գործերի նախարար Արարատ Միրզոյանն աշխատանքային այցով կգտնվի ժնեւում՝ մասնակցելու ՄԱԿ-ի Մարդու իրավունքների խորհրդի 52-րդ նստաշրջանի բարձրաստիճան նիստին:

ԱՐՉԱԿՈՒՐԳ ԿՄԵԿՆԻ

Նիկոլ Փաշինյանի որոշմամբ՝ Հայաստանի Հանրապետության էկոնոմիկայի նախարար Վահան Զերոբյանն արձակուրդ կմեկնի: Նախարարը արձակուրդում կլինի մարտի 6-9-ը ներառյալ:

Armlur.am-ը տեղեկացավ, որ արձակուրդում գտնվելու ընթացքում վերջինիս կփոխարինի Հայաստանի Հանրապետության էկոնոմիկայի նախարարի տեղակալ Արման Խոջոյանը:

ԻՐԱՎԱԿԱՆ

ԶԳՈՒՇԱՑՈՒՄ

20 ՄԵՂԱԳՐՅԱԼՆԵՐԻՑ 12-Ը ԿԱԼԱՆԱՎՈՐՎԵԼ ԵՆ

Վերջին օրջանում, հանրառեության սահմանում դարեկային ծառայության ներդրման գործընթացին զուգահեռ, ավելի հաճախակի են դարձել իրենց ծառայողական դասակարգումները կասարող դարեկային ծառայողների օրինական դատախազներին չենթարկվելու, նրանց ծառայողական գործողություններին միջամտելու, առանձին դեղձերում ընդհուպ նրանց նկատմամբ բռնություններ գործադրելու դեղձերը:

ՀՀ քննչական կոմիտեում կատարված՝ ՀՀ ԶԿ ստորաբաժանումներում ՀՀ քրեական օրենսգրքի 452-րդ հոդվածի (պաշտոնատար անձի օրինական ծառայողական կամ քաղաքական գործունեությանը միջամտելը) հատկանիշներով նախաձեռնված եւ քննվող քրեական վարույթների ուսումնասիրությունների արդյունքում պարզվել է, որ 2023թ. փետրվարի 5-ի դրությամբ Նշված հոդվածի հատկանիշներով քննվող 44 քրեական վարույթներից 27-ը նախաձեռնվել են ՀՀ ՆԳՆ պարեկային ծառայողների ծառայողական գործունեությանը միջամտելու փաստերի առթիվ: Ընդ որում միայն 2023թ. հունվարի 1-ից մինչև փետրվարի 5-ն ընկած ժամանակահատվածում նախաձեռնվել է այդպիսի 9 քրեական վարույթ:

Նշված 9 վարույթներից 2-ը նախաձեռնվել են պարեկների օրինական ծառայողական գործունեությանը միջամտելու նպատակով նրանց կամ նրանց մերձավորի նկատմամբ բռնություն գործադրելու, գույքը ոչնչացնելու կամ վնասելու սպառնալիքի (ՀՀ քր. օր. 452-րդ հոդվածի 1-ին մաս), 3-ը՝ վերջիններիս գույքը վնասելու (ՀՀ քր. օր. 452-րդ հոդվածի 2-րդ մաս), 3-ը՝ Նշված անձանց նկատմամբ բռնություն գործադրելու (Նույն հոդվածի 3-րդ մաս), իսկ 1-ը՝ սպառնալիքի եւ բռնության գործադրման համակցության (Նույն հոդվածի 1-ին եւ 3-րդ մաս) հատկանիշներով:

2023թ. ընթացքում քննվող եւ մեղադրական եզրակացությամբ ավարտված քրեական վարույթների շրջանակում 29 պարեկային ծառայող ճանաչվել է տուժող, որոնցից 6-ը՝ բռնություն գործադրելու սպառնալիքի, իսկ 23-ը՝ բռնություն գործադրելու հետեանքով:

Քննվող, մեղադրական եզրակացությամբ ավարտված վարույթներով 20 անձի նկատմամբ հարուցվել է քրեական հետապնդում, որից 5-ը՝ բռնություն գործադրելու, գույքը ոչնչացնելու կամ վնասելու սպառնալիքի, իսկ 15-ը՝ բռնություն գործադրելու համար:



րելու, գույքը ոչնչացնելու կամ վնասելու սպառնալիքի, իսկ 15-ը՝ բռնություն գործադրելու համար:

Ընդ որում, կառավարման կարգի դեմ ուղղված այս հանցագործությունների մի մասը կատարվել է այլ բնույթի հանցավոր գործողությունների համակցությամբ: Մասնավորապես՝ 2 դեպքում դրանք ուղեկցվել են խուլիգանական արարքներով, 1 դեպքում՝ ապօրինի ծառահատման կամ փայտանյութի տեղափոխման, 1-ը՝ ուրիշի գույքը դիտավորությամբ վնասելու:

Պարեկների օրինական ծառայողական գործունեությանը միջամտելու արգելված արարքներ կատարելու համար ընդհանուր 20 մեղադրյալներից 12-ի նկատմամբ որպես խափանման միջոց կիրառվել է կալանավորումը, 4-ի նկատմամբ կիրառվել է բացակայելու արգելքը, 2-ի նկատմամբ՝ գրավը, 1-ի նկատմամբ՝ գրավ է բացակայելու արգելք, 1-ի նկատմամբ՝ գրավ է տնային կալանք:

Նշված ժամանակահատվածում մեղադրական եզրակացությամբ ավարտվել է 1 քրեական վարույթ 1 անձի նկատմամբ:

Ելնելով վերոնշյալից՝ ՀՀ քննչական կոմիտեն հարկ է համարում տեղեկացնել, որ ծառայողական պարտականությունները կատարող համապատասխան ծառայողների, այդ թվում՝ նաեւ պարեկային ծառայողների օրինական պահանջներին չենթարկվելը, նրանց ծառայողական գործողություններին որեւէ ձեւով միջամտելը, մասնավորապես՝ նրանց, նրանց մերձավորների նկատմամբ սպառնալիքներ հնչեցնելը, նրանց գույքը ոչնչացնելը կամ

նրանց նկատմամբ բռնություններ գործադրելը քրեորեն հետապնդելի արարքներ են, որոնց համար նախատեսված է պատիժ՝ 5-ից մինչև 10 տարի ժամկետով ազատազրկում:

Հասարակական կարգը պահպանելու, Հայաստանում պարեկային ծառայության ներդրման գործընթացին չխոչընդոտելու նպատակով ինչպես երթեւեկության մասնակիցներին, այնպես էլ բոլոր քաղաքացիներին հորդորում ենք ձեռնպահ մնալ իրենց ծառայողական պարտականությունները կատարող պարեկային ծառայողների նկատմամբ որեւէ հանցավոր ոտնձգություն կատարելուց եւ դրսևորել իրավահպատակ վարքագիծ:

Ծառայողական պարտականությունները կատարող պաշտոնատար անձանց գործողություններից դժգոհություն, անհամաձայնություն ունենալու պարագայում, ինքնաբերական կարգով հարձակումներ կատարելու փոխարեն, անհրաժեշտ է դիմել բացառապես իրավական միջոցների՝ օգտվելով պաշտոնատար անձանց առերեսույթ ոչ իրավաչափ գործողությունները վարչական կամ քրեափրավական ընթացակարգերով վիճարկելու իրավունքից: ՀՀ քննչական կոմիտեն զգուշացնում է, որ հանցավոր վարքագիծ դրսևորելու բոլոր դեպքերը մանրակրկիտ են անաչառ քննությամբ բացահայտվելու են, իսկ հանցավոր արարքը հիմնավորող բավարար փաստական տվյալների համակցություն ձեռք բերելու դեպքում համաչափ քրեափրավական հետեանքները լինելու են անխուսափելի:

ԼՈՒՐԵՐ

ՀԱՅՏՆԱԲԵՐԵԼ ԵՆ ԱԳԱՄԱՆԳՆԵՐ

ՀՀ ՊԵԿ Արեւմտյան մաքսատուն-վարչությունում օրերս հայտնաբերվել է մաքսային կանոնների խախտման նոր դեպք: Ստամբուլ-Երեւան չվերթով ՀՀ ժամանած քաղաքացին ՊԵԿ Արեւմտյան մաքսատուն-վարչության ուղեւորների մաքսային հսկողության բաժնում հատել է «Կանաչ ուղի» մուտքի գիծը, որը համարվում է մաքսային հայտարարագրման ենթակա ապրանքների բացակայության մասին ֆիզիկական անձի կողմից արված հայտարարություն:

Մաքսային հայտարարագրման ենթակա ապրանքների տեղափոխման վերաբերյալ հիմնավոր կասկածներ ունենալով՝ քաղաքացու կողմից «Կանաչ ուղի» մաքսային հսկողության գոտու ելքի գիծը հատելուց հետո մաքսային ծառայողները քաղաքացուն ուղեկցել են «Կարմիր ուղի» հսկողության գոտի: Տվյալ քաղաքացին ենթարկվել է մաքսային հսկողության. նրա գրպաններից հայտնաբերվել է 6 պոլիէթիլենային փաթեթաված լցված ադամանդանման քարերով ընդհանուր 14 գրամ քաշով: Նրա մոտ առկա է եղել նաեւ 1 փաթեթ՝ լցված ադամանդանման քարերով ընդհանուր 29 գրամ քաշով, եւ 3 դատարկ այլ փաթեթ: Հայտնաբերված ադամանդանման քարերի ընդհանուր քաշը կազմել է շուրջ 43 գրամ:

Կազմվել է մաքսային կանոնների խախտման վերաբերյալ արձանագրություն՝ «Մաքսային կարգավորման մասին» ՀՀ օրենքի 316-րդ հոդվածով: Վարչական վարույթի հետագա ընթացքն ապահովելու համար գործի նյութերն ուղարկվել են ՀՀ ՊԵԿ իրավաբանական վարչություն:

ԼԻԱԶՈՐՈՒԹՅՈՒՆՆԵՐԸ ԳԱԳԱՐԵՑՎԵՑԻՆ

Բարձրագույն դատական խորհուրդը երեկ՝ փետրվարի 27-ին, բավարարեց արդարադատության նախարար Գրիգոր Մինասյանի միջնորդությունը եւ դադարեցրեց Երեւան քաղաքի ընդհանուր իրավասության դատարանի դատավոր Զարուհի Նախաբայանի լիազորությունները՝ էական կարգապահական խախտման հիմքով:

Որոշումն ընթերցեց ԲԴԽ անդամ Նաիրա Հովսեփյանը:

Հիշեցնենք, որ Զարուհի Նախաբայանին կարգապահական պատասխանատվության ենթարկելու միջնորդությունը ներկայացրել է Արդարադատության նախարարությունը: Միջնորդության հիմքը դատավորի հրապարակային խոսքն է, որով նա իր վերաբերմունքն է արտահայտել դատավոր Աննա Փիլոսյանի վերաբերյալ ԲԴԽ-ի կայացրած որոշման առնչությամբ: Ըստ արդարադատության նախարարի՝ նա հրապարակայնորեն կասկածի տակ է առել դատավոր Փիլոսյանի վերաբերյալ ԲԴԽ դատական ակտը:

ArmLur.am-ը գրել էր՝ ԲԴԽ-ն այս անգամ ամեն քայլի կզնա դատավորի լիազորությունները դադարեցնելու համար:

ԼՈՒՐԵՐ

ԳԱՆԱԿԱՆԱՐԵԼ Է ՄԵՆԵՋԵՐԻՆ

Փետրվարի 26-ի կեսգիշերին մոտ 1-ին համալսարանական հիվանդանոցից ուստիկանության Կենտրոնական բաժնի հարդորում էր ստացվել, որ կրծքավանդակի կտրած-ծակած վերքով բուժօգնության է դիմել 36-ամյա մի երեւանցի: Կենտրոնական բաժնից քրեական հետախույզներ մեկնեցին հիվանդանոց. այս մասին տեղեկանում ենք ՀՀ ոստիկանության պաշտոնական կայքից:

Ձեռնարկված օպերատիվ-հետախուզական միջոցառումների արդյունքում նրանք պարզեցին, որ Հյուսիսային պողոտայի ժամանցի վայրերից մեկում միջադեպ էր եղել:

19-ամյա մի երիտասարդ ակումբում ստորճանակից կրակել էր, ակումբի մենեջերն էլ միջամտել էր: Վեճ էր սկսվել: Այդ ընթացքում էլ երիտասարդը դանակով խփել էր մենեջերին: Ժամեր անց երիտասարդը հայտնաբերվեց ու ձերբակալվեց: Նրա մոտ ատրճանակ ու ծալովի դանակ հայտնաբերվեցին:

Նախաձեռնվել է քրեական վարույթ: Երիտասարդը եւ դեպքի առթիվ կազմված փաստաթղթերը ներկայացվել են տարածքային քննչական բաժնի: Հանգամանքները քննությամբ պարզվում են:

ԱՆՕՐԻՆԱԿԱՆ ՆԵՐՄՈՒԾՈՒՄ

ՀՀ պետական եկամուտների կոմիտեն հայտնում է, որ իրեն վերապահված լիազորությունների իրականացման շրջանա-

կում բացահայտվել են մաքսային կանոնների խախտումների նոր դեպքեր:

Մասնավորապես, ՀՀ ԱԱԾ կողմից դեկտեմբերի 17-ին՝ մաքսային հսկողությունից թաքցնելու եղանակով մանդարինի անվան տակ հազուատի ներմուծման դեպքի բացահայտումից հետո, ՀՀ ՊԵԿ կողմից կատարված ուսումնասիրությունների եւ հարցումների միջոցով պարզվել է, որ նույն կազմակերպությունների կողմից 2022թ. հունիս-դեկտեմբեր ամիսների ընթացքում նույն եղանակով տարբեր մրգերի եւ բանջարեղենի անվան տակ ՀՀ է ներմուծվել հազուատ՝ 21 տարբեր դեպքերով, ընդհանուր առմամբ՝ 210 տոննա քաշով:

Նշվածի վերաբերյալ փաստաթղթերը կփոխանցվեն վարույթի իրականացնող մարմինն քրեական վարույթի շրջանակում հետագա ընթացքն ապահովելու նպատակով:

● Ըստ ոստիկանության տվյալների՝ փետրվարի 24-ից 27-ը Հայաստանի Հանրապետությունում բացահայտվել է հանցագործության 113 դեպք, որոնցից 4-ը՝ նախկինում կատարված:

ՍՈՑԻԱԼԱԿԱՆ

ԼՈՒՐԵՐ

ՀԱՇՎԵՏՎՈՒԹՅՈՒՆ

«ժողովուրդ» խմբագրություն» ՍՊԸ, 2022թ. տարեկան հաշվետվություն

ԵԿԱՍՈՒՏ

այդ թվում՝ թերթեր՝ 5 675 360 (հինգ միլիոն վեց հարյուր յոթանասուն հինգ հազար երեք հարյուր վաթսուն դրամ), գովազդ՝ 31 817 417 (երեսուն մեկ միլիոն ութ հարյուր տասնյոթ հազար չորս հարյուր տասնյոթ դրամ):

ԾԱԽՍԵՐ՝

այդ թվում՝ տպագրական ծախս՝ 6 608 500 (վեց միլիոն վեց հարյուր ութ հազար հինգ հարյուր դրամ),

աշխատավարձ՝ 29 450 294 (քսանհինգ միլիոն չորս հարյուր հիսուն հազար երկու հարյուր ինսուն չորս դրամ),

այլ ծախսեր՝ 4 785 561 (չորս միլիոն յոթ հարյուր ութսուն հինգ հազար հինգ հարյուր վաթսուն մեկ դրամ):

ՀԱՐԿԵՐ՝

եկամտահարկ՝ 5 732 192 (հինգ միլիոն յոթ հարյուր երեսուն երկու հազար հարյուր ինսուն երկու դրամ)

շրջ. հարկ՝ 1 675 998 (մեկ միլիոն վեց հարյուր յոթանասուն հինգ հազար ինը հարյուր ինսուն ութ դրամ),

տոց. վճար՝ 1 002 679 (մեկ միլիոն երկու հազար վեց հարյուր յոթանասուն ինը դրամ),

դրոշմանիշ՝ 465 000 (չորս հարյուր վաթսուն հինգ հազար):

ՏՈՒՂԱՆՎԵԼ ԵՆ 2-ՐԴ ԱՆԳԱՄ

Մրցակցության պաշտպանության հանձնաժողովը շարունակում է ուսումնասիրել արտասահմանից ՀՀ առաքման ծառայություններ մատուցող տնտեսավարող սուբյեկտների վարքագիծը:

Ուսումնասիրության արդյունքում «Հայփոստ» ՓԲԸ է «Հայփոստ Յու Էս Էյ Քորպ» կորպորացիա» անձանց խմբի (Ber-Ber ծառայություն), «Վայլդբերրիզ» ՍՊԸ-ի և «ԷյՋ 2 ԷյՋ» ՍՊԸ-ի վերաբերյալ հարուցվել են վարույթներ՝ առաքումների ժամկետների առնչությամբ կատարված հրապարակումների միջոցով հասարակության մոլորեցման դրսևորմամբ անբարեխիղճ մրցակցության հատկանիշներով: Արդյունքում Ber-Ber ծառայությունը ես մեկ անգամ տուգանվել է:

«ԷյՋ 2 ԷյՋ» ՍՊԸ-ն ընդունել է իրեն վերագրվող իրավախախտման փաստը և միջնորդել կիրառել արագացված վարույթ:

«Վայլդբերրիզ» և «ԷյՋ 2 ԷյՋ» ՍՊԸ-ների վերաբերյալ հարուցված վարույթները դեռևս շարունակվում են: Բացի այդ, հանձնաժողովի կողմից պահանջված տեղեկատվությունը չտրամադրելու համար «Վայլդբերրիզ» ՍՊԸ-ի նկատմամբ նշանակվել է 13 497 160 ՀՀ դրամի չափով տուգանք:

Հիշեցնենք, որ հանձնաժողովը 2022 թվականի նոյեմբերին ընդհանուր շուրջ 83 մլն դրամի տուգանք էր կիրառել «Գլոբալ շիփինգ» ՍՊԸ-ի (Globbing), «ՕՆԷքս» ՍՊԸ-ի (ONEX), «Հայփոստ» ՓԲԸ և «Հայփոստ Յու Էս Էյ Քորպ» կորպորացիա» անձանց խմբի (Ber-Ber ծառայություն) նկատմամբ:

ՇՐՋԱՓՈՎԱԿԱՆ 78-ՐԴ ՕՐ

ԱՐՑԱԽՈՒՄ ԾՆՎԵԼ Է 300 ԵՐԵԽԱ

Արցախի առողջադահույթյան նախարարության սվյալներով՝ Ադրբեջանի կողմից Երզնիայի մարզում Արցախի ծննդահանրում արդեն ծնվել է 300 երեխա:



Ադրբեջանական կողմի ահաբեկչական վարքագծի պատճառով նորածին երեխաներն ու նրանց մայրիկներն ամեն օր առերեսվում են լուրջ խնդիրների հետ՝ կապված մանկական սննդի, տակդիրների, դեղորայքի և այլ առաջին անհրաժեշտության պարագաների պակասի հետ:

Փետրվարի 24-ից 26-ը Կարմիր խաչի միջազգային կոմիտեի կողմից 14 հիվանդ տեղափոխվել է Հայաստան:

17 բուժառու, որոնք պետական պատվերի շրջանակներում ուղեգրվել էին ՀՀ բուժում ստանալու համար, ուղեկցողների հետ վերադարձել են Արցախ:

Արցախից Հայաստան հիվանդների տեղափոխումը շարունակում է իրականացվել բացառապես Կարմիր խաչի միջազգային կոմիտեի միջնորդությամբ և ուղեկցությամբ:

Փետրվարի 26-ի դրությամբ Կարմիր խաչի միջազգային կոմիտեի կողմից Արցախից Հայաստան է տեղափոխվել ընդհանուր 127 հիվանդ:

Արցախի ԱԳՆ-ն հայտարարություն է տարածել. ՄԱԿ-ի արդարադատության միջազգային դատարանի՝ Լաջնի միջանցքի բացման պահանջով որոշման վերաբերյալ հայտարարության մեջ, որը տարածվել էր փետրվարի 24-ին, մասնավորապես ասված է. «Ողջունում ենք ՄԱԿ-ի արդարադատության միջազգային դատարանի փետրվարի 22-ի որոշումը՝ Ադրբեջանի դեմ ժամանակավոր միջոց կիրառելու մասին, որը պարտավորեցնում է վերջինիս ձեռնարկել իր տրամադրության տակ եղած բոլոր միջոցները՝ Լաջնի միջանցքով մարդկանց, տրանսպորտային միջոցների և բեռների անխոչընդոտ տեղաշարժը երկու ուղղություններով ապահովելու համար:

Կոչ ենք անում միջազգային հանրությանը գործուն միջոցներ ձեռնարկել՝ ապահովելու Ադրբեջանի կողմից ՄԱԿ-ի գլխավոր դատական մարմնի որոշման անհապաղ և անվերապահ իրականացումը: Միաժամանակ անհրաժեշտ ենք համարում, որ միջազգային մակարդակով համակարգված և հանգամանակից դիտարկվի Ադրբեջանի՝ Արցախի ժողովրդի իրավունքները զանգվածաբար ոտնահարող քաղաքականությունից ար-

ցախցիների իրավական պաշտպանության հարցը»:

Օրվա վիճակագրական թարմացումներ

2 երեխա գտնվում է մանկական հիվանդանոցի նորածնային և վերակենդանացման բաժանմունքներում:

6 չափահաս բուժառու գտնվում է վերակենդանացման բաժանմունքում, որոնցից 3-ը ծայրահեղ ծանր վիճակում է: Արդեն 300 երեխա ծնվել է շրջափակման մեջ:

Արցախի բոլոր բուժհաստատություններում պլանային վիրահատությունների դադարեցման պատճառով մոտ 730 քաղաքացի գրկվել է վիրահատվելու միջոցով առողջական խնդիրների լուծման հնարավորությունից:

Մինչ այսօր Կարմիր խաչի միջազգային կոմիտեի միջնորդությամբ և ուղեկցությամբ Արցախից Հայաստան է տեղափոխվել 127 հիվանդ համապատասխան բուժում ստանալու համար:

755 տնտեսավարող սուբյեկտ (ընդհանուրի 17,7%-ը) շրջափակման պայմաններում աշխատելու անհնարինության պատճառով կասեցրել է իր գործունեությունը, իսկ մնացած տնտեսավարողները գործում են մասնակի ծավալով կամ պետական աջակցությամբ:

Ստեղծված տնտեսական բարդ իրավիճակի պատճառով նախնականորեն առն-

վազն 5,100 մարդ կորցրել է աշխատանք և եկամտի աղբյուրը:

Ավելի քան 30,800 տոննա կենսական նշանակության ապրանքներ կմատակարարվեն Արցախ, եթե չլինեք շրջափակումը, որի ընթացքում Կարմիր խաչի միջազգային կոմիտեի և ՌԴ խաղաղապահ զորակազմի կողմից մատակարարվել է դրա միայն չևին մասը:

Կարևոր փաստեր

Շրջափակման մեկնարկից ի վեր աշխարհի բազմաթիվ երկրներ ու միջազգային կազմակերպություններ դատապարտել են Ադրբեջանի գործողությունները և կոչ արել վերացնել շրջափակումը: Հարցը քննարկվել է նաև ՄԱԿ-ի անվտանգության խորհրդում, Մարդու իրավունքների եվրոպական դատարանը պարտավորեցրել է Ադրբեջանին ձեռնարկել բոլոր անհրաժեշտ և բավարար միջոցները վերացնելու շրջափակումը: ՄԱԿ-ի արդարադատության միջազգային դատարանը (Հաագա) քննարկել է այն Ռասայական խտրականության վերացման կոմիտեի վարույթի շրջանակներում և պարտավորեցրել Ադրբեջանին ապահովել անխափան տեղաշարժը Լաջնի միջանցքով: Եվրոպական խորհրդարանում Արցախի շրջափակման հումանիտար հետեւանքների մասին բանաձեւ է ընդունվել:

«ԱԿԲԱ» ԲԱՆԿ

ՄՈՒՏՔ՝ ԹՎԱՅԻՆ ԱՇԽԱՐՀ

Դիանա Հակոբյանը PIXEL IT դորոցի հիմնադիրն է, որտեղ ուսանողներին սովորեցնում են դիզայն, մարքեթինգ, ծրագրավորում, լեզուներ և ստեղծարար մասնագիտություն:

Դիանա Հակոբյանը նաև PIXEL IT ընկերության համահիմնադիրն է: Չորս տարի առաջ, երբ հիմնադրեց այս ընկերությունը, գրագետ և որակյալ կադրեր պատրաստելու նպատակով որոշեց նաև դպրոց բացել: Այսպես, PIXEL IT դպրոցը մեկնարկեց աշխատանքները, իսկ Դիանան՝ դասավանդել: Նա հոգ է տանում յուրաքանչյուր ուսանողի մասին, կարեւորում ամեն մանրուք:

Դիանա Հակոբյանը շեշտում է, որ կառավարող տեխնոլոգիական ոլորտը դարձնում են ավելի հոգատար:

Չորս տարի առաջ, երբ դպրոց ունենալու գաղափարը կար, անհրաժեշտ էր ֆինանսական գործընկեր, որը բիզնեսի կողքին կլինեք և կաջակցեք: «Ակբա» բանկը հավատաց գաղափարին և ձեռք մեկնեց նորաստեղծ բիզնեսին:

«Մեծացել եմ ուսուցիչների ընտանիքում, որտեղ տեսել եմ տատիկս, մայրիկս ինչպես են դասավանդում: Կրթելու մշակույթը կար իմ ներսում, ու երեւի դա էր առաջին նպատակը, որ բացեմ դպրոց ու կարողանամ կրթել: PIXEL IT դպրոցի առաջին նպատակը որակյալ կրթությունն է, որն

ապահովում ենք: Այս մասին ասում են նաև մեր ուսանողները, որ այստեղ սովորել ու ավարտել են: Մեր գործունեության սկզբնական փուլում, երբ սկսում էինք աշխատանքները, կարիք ունեինք այնպիսի գործընկերոջ, ով մեզ ձեռք կմեկնեք ու կօգնեք. դա հենց «Ակբա»-ն էր, որ ձեռք մեկնեց ու օգնեց», - նշում է PIXEL IT դպրոցի հիմնադիր-տնօրեն Դիանա Հակոբյանը:

Այս տարիների ընթացքում դպրոցում սովորել են շուրջ 1500 ուսանողներ, որոնք աշխատում են ՏՏ տարբեր ընկերություններում: Դիանան իր հաջողության գլխավոր գրավակակնը համարում է աշխատասիրությունը:

Բանկը վերահսկվում է ՀՀ ԿԲ կողմից:

«ժողովուրդ» օրաթերթում և ArmLur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

«ԹԱՏՐՈՆԻ ՄԱՐԴ»

ՄԵՋԱԽԱՂԻ ԹԱՏՐՈՆԸ՝ ՄԻՋԱԶԳԱՅԻՆ ՓԱՌԱՏՈՆԻՆ

Երեւանի մնջախաղի դեպարտման բաժնի ղեկավար Երեւանի թատրոնի Նաիրա Եղիզարյանի «Դեպի ներս» մոնո-ներկայացումը...



լու հատկությունը: Ներկայացման հերոսները փորձում են ցույց տալ՝ որքան վտանգավոր կարող է լինել անկենդան 2փման քառակուսու մեջ հայտնվելը...

զբաղված են Կարեն Խաչատրյանը, Լուիզա Մելքոնյանը, Երաժշտական ծեփավորումը՝ Յայկ Կարոյի: Միջազգային փառատոնին թատրոնի մասնակցությանն աջակցել է ՀՀ կրթության, գիտության, մշակույթի եւ սպորտի նախարարությունը:

ԼՈՒՐԵՐ

ԵՐԿԱՐ ԳԱԴԱՐԻՑ ՂԵՏՈ

Դերասան, պրոդյուսեր Արմեն Պետրոսյանը (Մենչը) հայտնել է, որ երկար դադարից հետո վերադառնում է կրկին հեռուստատեղիներ:

ՄԱՄՆԱԿՑԵԼՈՒ Է ՓԱՌԱՏՈՆԻՆ

Բեմադրող-խորեոգրաֆ Ռիմա Պիպոյանն իր «Բարեւ, Քիթի» բեմադրությամբ մասնակցել է փետրվարի 17-26-ն Արաբական Միացյալ Էմիրություններում կայացած Ֆուջայրահի 10-րդ միջազգային մոնոդրամայի հեղինակավոր փառատոնին:

Նա մասնակցության հրավերը ստացել էր ՅՈՒՆԵՍԿՕ-ի միջազգային թատերական ինստիտուտի գլխավոր տնօրեն Տոբիաս Բիակունեի եւ ԱՄԷ արքայազնի կողմից:

Ներկայացումը մեծ հաջողություն է ունեցել եւ արժանացել մեծ գնահատանքի ինչպես հանդիսատեսի, այնպես էլ հրավիրված միջազգային մասնագետների կողմից:

Նշենք, որ «Բարեւ, Քիթի» ներկայացումը Ռիման բեմադրել է 2017թ.-ին Բեռլինի արվեստների ակադեմիայում, որն այնուհետեւ ներկայացրել է մի շարք եվրոպական երկրներում:

Փառատոնն անցկացվում էր ԱՄԷ գերագույն խորհրդի եւ Ֆուջայրահի կառավարիչ Նորին Մեծություն, ԱՄԷ թագածառնազ, Շեյխ Յամադ Բին Սոհամ-մեդ Ալ Շարքիի բարձր հովանու ներքո:

ԳԼԽԱՎՈՐԵՑ ԿՈՐԵԱՅԻ ՂԱՎԱՔԱՄԱՆԸ

Ֆուտբոլի Գերմանիայի եւ ԱՄՆ-ի հավաքականների նախկին գլխավոր մարզիչ Յուրգեն Կլինսմանը նշանակվել է Յարավայի Կորեայի հավաքականի գլխավոր մարզիչ: Պայմանագիրը նախատեսված է մինչեւ 2026թ. աշխարհի առաջնության ավարտը...

58-ամյա գերմանացի մասնագետի նախորդ թիմը եղել է Բեռլինի «Յերտան», որը լքել է 2020թ. փետրվարին: Կլինսմանը գլխավորել է նաեւ Մյունխենի «Բավարիան» 2008-2009 թվականներին:

Կլինսմանի ղեկավարությամբ առաջին հանդիպումը Յարավայի Կորեայի հավաքականը կանցկացնի մարտի 24-ին՝ ընկերական խաղում մրցելով Կոլումբիայի թիմի հետ:

Team Telecom Armenia

ԿԵՆՏՐՈՆԻ ԲԱՅՈՒՄՆ ԱՐՎԵԼ Է

Հայաստանի ազգային ոլորտի կենտրոնական համալսարանում բացվել է IELTS /International English Language Testing System/ դասընթացը...

ության համահիմնադիր եւ գլխավոր տնօրեն Յայկ Եսայանին մշտապես բուժի կողքին լինելու համար:

«Բոլոր այն դեպքերում, երբ լինում է նոր նախաձեռնություն, որը հնարավորություն է ստեղծելու համալսարանում նոր արժեք գեներացնել՝ թե՛ կրթական, թե՛ նոր ֆինանսական հոսքեր ապահովելու իմաստով, Team Telecom Armenia ընկերությունը աջակցում է բուժին»,- նշեց Գոռ Վարդանյանը:

IELTS թեստավորման համակարգը աշխարհում ամենատարածված անգլերենի թեստն է բարձրագույն կրթության եւ գլոբալ միգրացիայի համար:

Այն աշխարհում անգլերենի երկու հիմնական թեստերից մեկն է, մյուսը TOEFL-ն է: IELTS-ը գնահատում է անգլերենի բոլոր հմտությունները՝ կարդալ, գրել, լսել եւ խոսել:

Նիկը պատրաստ է բարձր որակավորման քննություններ ընդունել՝ տալով նոր մասնագիտական հաջողությունների հասնելու հնարավորություն: Մեզ համար առաջնահերթություն է կրթական ծրագրերին ու նախաձեռնություններին աջակցելը»,- նշեց նա:

ՀՀ-ում Մեծ Բրիտանիայի արտակարգ եւ լիազոր դեսպան Ջոն Գալագերը նշեց, որ հպարտ է բրիտանական կրթական համակարգով, որն աշխարհում լավագույններից է:

«Անգլերենը ընդունված լեզու է աշխարհում, նաեւ՝ գիտության ոլորտում, այդ թվում՝ տեղեկատվական տեխնոլոգիաների: Կենտրոնի բացմամբ մենք աջակցում ենք այն ուսանողներին մուտք գործել բրիտանական կրթական համակարգ: Սա լավ միջոց է աջակցել այն ուսանողներին, որոնք ուզում են զարգացնել լեզվական հմտությունները, օգտվել բրիտանական կրթական համակարգի առավելություններից»,- նշեց դեսպանը:

ՀԱՊՀ-ի IELTS պաշտոնական քննական կենտրոնը կընդունի IELTS թեստ հանձնողների ամբողջ աշխարհից արդեն մարտ ամսին:

● Մարտի 1-ին Երեւանի պատանի հանդիսատեսի թատրոնում տեղի կունենա «Փայտե մարդը» ներկայացումը: Տոմսերի արժեքը՝ 1000-2000 դրամ: Սկիզբը՝ ժամը 15:00-ին:



Էջը՝ ՌՈԶԱ ՊՈՂՈՍՅԱՆԻ

ԻՐԱՎՈՒՆՔ

ՀԱՐՑ. Ես գրառում եմ արել սոցցանցում, ես այն արձանագրել եմ: Գա օրինակա՞ն է:
Լարիսա Վարդումյան (22 տարեկան)



ՊԱՏԱՍԽԱՆ. Եթե Ձեր կողմից կատարված գրառումը հանդիսանում է Ձեր ստեղծագործական մտքի արդյունք՝ բանաստեղծություն, պատմվածք, երգի բառեր կամ այլ ստեղծագործություն, ապա այն պաշտպանվում է հեղինակային իրավունքով: Ստեղծագործությունը հանդիսացող գրառումը հրապարակելու պահից ծագում է դրա նկատմամբ անձի հեղինակային իրավունքը, եւ դրա օգտագործման համար յուրաքանչյուր այլ անձ պարտավոր է ստանալ Ձեր թույլտվությունը եւ համաձայնությունը՝ հղում կատարելով հեղինակին:

Եթե Ձեր գրառումը կամ հրապարակումը տարածվել է այլ օգտատերերի կողմից, ապա անհրաժեշտ է ?իմել Ձեր գրառումն օգտագործած անձին/անձանց՝ պահանջելով:

- հեռացնել գրառումը կամ
-ավելացնել հեղինակին կամ աղբյուրին հղումը:
ՀՀ արդարադատության նախարարության անձնական տվյալների պաշտպանության գործակալություն

«ԺՈՂՈՎՈՒՐԳ». Բացի դա, հարկ է նշել, որ գրեթե բոլոր սոցցանցերում հնարավոր է կարգավորել հրապարակման լսարանը, այսինքն՝ հասանելի դարձնել հրապարակումը միայն ընկերների, ընկերների խմբի, կոնկրետ մարդկանց կամ առհասարակ բոլորի համար: Յուրաքանչյուր անձ ինքնուրույն կարող է որոշել, թե իր սոցիալական կայքում բացված այս կամ այն էջում կատարվող գրառումները կամ այլ հրապարակումները ովքեր, տեսնեն եւ ինչպիսի հասանելիություն ունենան: Ըստ այդմ, հրապարակման մասին իրենց կարծիքը հայտնելու կամ այն տարածելու ազատ հնարավորություն ունի ցանկացած անձ, որին այդ գրառումն ի սկզբանե հասանելի է դարձրել գրառում կատարած անձը, եւ դրա համար պարտավոր չէ նախապես թույլտվություն խնդրել:

ՍՈՑԻԱԼԱԿԱՆ

ՀԱՐՑ. Աշխատանքի ընթացքում ստացել եմ մարմնական վնասվածք: Ի՞նչ իրավունքներ ունեմ, ի՞նչ կարող եմ անել եւ ո՞ւմ դիմեմ:
Վարդան Դարբինյան (49 տարեկան)



ՊԱՏԱՍԽԱՆ. Մասնագիտական հիվանդության կամ աշխատանքային խեղձան պատճառով աշխատունակությունը կորցրած աշխատողի աշխատատեղը եւ պաշտոնը պահպանվում են մինչեւ աշխատունակության վերականգնումը կամ հաշմանդամության կարգի որոշումը: Աշխատողի աշխատունակությունը չվերականգնվելու եւ հաշմանդամության կարգը որոշվելու դեպքում գործատուն իրավունք ունի լուծել աշխատանքային պայմանագիրը, սակայն գործատուն պարտավոր է հոգալ աշխատողի հիվանդանոցային այն ծախսերը, որոնք անմիջականորեն փոխկապված են աշխատանքի ընթացքում ստացած մարմնական վնասվածքի հետ:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Այն դեպքում, երբ աշխատողի ստացած մարմնական վնասվածքները կապ չունեն աշխատանքի հետ, ապա ժամանակավոր անաշխատունակ դարձած աշխատողները պահպանում են իրենց աշխատատեղը եւ պաշտոնը ոչ ավելի, քան 120 օր անընդմեջ, կամ վերջին մեկ տարվա ընթացքում ոչ ավելի, քան 140 օր: Ժամանակավոր անաշխատունակության դեպքում աշխատողը պահպանում է նաեւ իր աշխատավարձը եւ իրավունք ունի այն ամեն ամիս ստանալու գործատուից, թեկուզեւ նա չի ներկայանում աշխատանքի:

ԼՈՒՐ ԿԱԴՐ

Լուսանկարը՝ հանցանցից

Այսօր մենք միանում ենք հայերին՝ սգալով և տուրք մատուցելով 1988թ. Սումգայիթում զոհ գնացածների հիշատակին:
Today, we join with Armenians mourning and acknowledging all who lost their lives in Sumgait in 1988.



35 տարի առաջ՝ 1988թ. փետրվարի 27-29-ին, ադրբեջանական իշխանությունների հրահրմամբ եւ հանցավոր անգործության հետեւանքով Սումգայիթ քաղաքում տեղի ունեցան զանգվածային հայկական ջարդեր, որին զոհ գնացին հարյուրավոր հայեր, այդ թվում՝ երեխաներ, կանայք եւ ծերեր, իսկ հազարավորները բռնի տեղահանվեցին: Սումգայիթյան ջարդերի կապակցությամբ Հայաստանում ԱՄՆ դեսպանատունը միացել է հայերին՝ սգալով եւ տուրք մատուցելով 1988թ. Սումգայիթում զոհ գնացածների հիշատակին:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

Subscription form with fields for name, address, phone, and a box for payment details including bank name and account number.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.
«Շարունակությունը կարող էք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 27.02.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: